



COMUNU DE MARA

TZITADI METROPOLITANA DE CASTEDDU

ORDINÀNTZIA DE SU SÌNDIGU

Nùmeru categoria: 39

SÌNDIGU

Responsàbili **Serra Giovanna Maria**

in sa dii **25/09/2020**

OGETU:

**ORDINÀNTZIA CONTINGÌBILI E APRETADA - MEDIDA DE
PREBÈNNIDA DE IS APESTAMENTUS CASTIENDI A SA
OBÈRRIDA DE S'ANNU SCOLÀSTICU**

SU SÌNDIGU

CUNSIDERAU chi s'Organizatzioni Mundiali de sa Sanidadi su 30 de gennàrgiu 2020 at decrarau sa epidemia de COVID-19 una emergèntzia de sanidadi pùblica de mannesa internatzionali;

BIA sa delibera de su Cunsillu de is Ministrus de su 31 de gennàrgiu 2020 de decraratzioni de su stadu de emergèntzia ocasionau de su perìgulu sanitàriu alliongiu a sa lòmpida de maladies donadas deis agentis viralis trasmitibilis;

BIU su decretu lei 30 de mes'e argiolas 2020 n. 83 "Medidas apretadas alliongiadas cun sa scadèssida de sa decraratzioni de emergèntzia epidemiològica de COVID-19 deliberada su 31 de gennàrgiu 2020", aundi si cumandat su perlongu de su stadu de emergèntzia finsas a su 15 de su mes'e ladàmini 2020;

ARREGORDADAS is ordinàntzias de su Ministru de sa Saludi de su 30 de làmpadas 2020, de su 16 de mes'e argiolas 2020, de su 24 de mes'e argiolas 2020, de su 30 de mes'e argiolas 2020, de su 1 de austu 2020, de su 12 de austu 2020 e de su 16 de austu 2020;

BIUS:

- ✓ s'ordinàntzia R.A.S. n. 43 de su 11 de cabudanni 2020, chi tenit cumentu ogetu "Atras medidas straordinàrias apretadas de cuntrastu e prebènnida de sa spratzinadura epidemiològica de COVID-19 in su territòriu regionali de Sardìnnia. Ordinàntzia cunforma a s'art. 32, comma 3, de sa lei 23 de mes'e idas 1978, n. 833, a pitzu de igiene e saludi pùblica", chi in s'art. 13 previdit "*su cumandu in totu su territòriu regionali de si ponni po totu sa dii intrea (h. 24) amparus de is bas arrespiratòrias (mascareddas) in totus is logus serraus o obertus aundi no siat possibili assegurai sempri de pompiai sa stesiadura de segura de a su mancu unu metru. No funt obligaus sceti is pipius de prus pagu de 6 annus e nimancu sa genti cun calincuna disabilitadi*";
- ✓ su decretu de su Presidenti de su Cunsillu de is Ministrus 7 de austu 2020, chi narat: «Atras inditaduras faidoras de su decretu-lei 25 de martzu 2020, n. 19, chi narat medidas apretadas po infrentai s'emergèntzia epidemiològica de COVID-19, e de su decretu-lei 16 de maju 2020, n. 33 chi narat atras medidas apretadas po infrentai s'emergèntzia epidemiològica de COVID-19», publicau in sa Gazeta Ufitziali n. 198 de su 8 de austu 2020;
- ✓ su decretu de su Presidenti de su Cunsillu de is Ministrus 7 de cabudanni 2020, chi narat "Atras inditaduras faidoras de su decretu-lei 25 de martzu 2020, n. 19, chi narat medidas apretadas po infrentai s'emergèntzia epidemiològica de COVID-19, e de su decretu-lei 16 de maju 2020, n. 33 chi narat atras medidas apretadas po infrentai s'emergèntzia epidemiològica de COVID-19", publicau in sa Gazeta Ufitziali n. 222 de su 07-09-2020 e is alliongius chi ddi pertocant;

PENSAU de depi impreai de manera prebennidora atras inditaduras bonas po straviai sa spratzinadura de su virus;

DONAU ÀUTU chi sa torrada a oberri de is scolas at a ocasionai una acorrada de genti in is àreas acanta a is edifitzius scolàsticus, chi ant a depi ponni menti a arrègulas bonas po straviai acostiametus, arrespetendi sa stesiadura de segura po no spratzinai su virus;

PENSAU chi eventualis acorradas de gentoris e scientis, prus chi totu in is oras chi intrant e bessint

de scola, in is logus a presu de is Istitutzionis scolàsticas, funt cumportamentus chi iant a podi ocasionai unu apestamentu possìbili;

PENSAU, de manera prebennidora, impreai, cumenti medida de impiticamentu e gestioni de s'emergèntzia sanitària de Covid-19 in prus de is medidas de igiene e de stesiadura de seguresa interpersonalis, su cumandu de impreai is mascareddas in is logus chi ddoi funt a presu de is edifitzius scolàsticus de dònna òrdini e gradu chi ddoi funt in su territòriu comunali e chi funt is àreas a presu e a canta de custas strukturas, in su tempus de is fàscias oràrias de intrada e bessida de is studiantis e su proibimentu de aturai po meda tempus ingunis a presu de is scolas;

ARREGORDAUS:

- is artt. 50, comma 4 e 54 de su D. Lgs., 18 de austu 2000, n. 267;
- sa Lei 833 de su 23 de mes'e idas 1978;
- su Statutu Comunali vigenti;

CUMANDAT

po is arresonis sprigadas in sa premissa, cumintzendi de sa dii de su **26.09.2020** e finsas a sa tiradura de custa e totu:

- a chinisiat passit/aturit in totus is logus a presu e a canta de is Istitutzionis scolàsticas de dònna òrdini e gradu chi ddoi funt in su territòriu de su Comunu de Mara, de straviai acorradas e de si ponni beni su dispositivu de amparu individuali (mascaredda po sa faci), candu est ora de intrada e de bessida de is studiantis;
No funt obligaus sceti is pipius prus piticus de 6 annus e sa genti chi tenit calincuna disabilitadi chi no permitit de impreai sa mascaredda.

AVERTIT

- cussus chi no ponint menti a custas medidas de seguresa anti-apestamentu, sanitàrias, de prebènnida e impiticamentu, de is stesiaduras interpersonalis prevèdias in custa Ordinàntzia ant a èssiri castigadas cunforma a s'artìculu 4, comma 1, de su decretu lei 25 de martzu 2020, n. 19 cun su pagamentu de smenda de dinai de € 400 finsas a € 1.000, a foras de sa presèntzia de circostàntzias agraidoras, aici cumenti prevèdiu de cussu art. 4 giai numenau a innantis.

ENTREGAT

A su Corpus de Politzia Locali e a is atras Fortzas de Politzia su càstiu a pitzu de sa cumpridura de custu provedimentu.

DISPONIT

- sa publicatzioni de custa ordinàntzia in s'albu pretòriu online cumenti puru sa fichidura sua in sa home page de su giassu istituzionali de s'Enti;
- sa notìfica a su dirigenti scolàsticu, a sa Prefetura - UTG de Casteddu, a su Cumandu Carabineris de Mara;

INFORMAT

chi cunforma a s'art. 3 su de cuàturu comma, de sa lei 7 de austu 1990, n^u 241 e mudàntzias sighidoras, cuntra de custa ordinàntzia est amìtiu, aintu de 60 diis de sa notificatzioni, su recursu a su Tribunali Aministrativu Regionali de Sardìnnia o sighendi su D.P.R. n^u 1199/1971 at a podi èssiri entregau recursu straordinàriu a su Cabu de su Stadu, po arresonis de legitimidadi, aintu de 120 diis de sa notifica.

SU VICE SÌNDIGU

Firmau Giovanna Maria Serra